



FSU u BiH
ФСУ у БиХ



ZSU u BiH
SIF in BiH

Fondacija za socijalno uključivanje u Bosni i Hercegovini
Фондација за социјално укључивање у Босни и Херцеговини
Zaklada za socijalno uključivanje u Bosni i Hercegovini
Social Inclusion Foundation in Bosnia and Herzegovina



Za društvo jednakih mogućnosti!

**FSU u BiH i IBHI Izvještaj sa Okruglog stola, 25.4.2017.
„Planiranje razvoja socijalnog poduzetništva – primjer Kantona Sarajevo“**

Sarajevo, april 2017.

FSU u BiH • ФСУ у БиХ • ZSU u BiH • SIF in BiH

Branilaca Sarajeva 47 • 71000 Sarajevo • Tel + 387 33 219 313 • Fax + 387 33 219 314

Email: sif@sif.ba • Web <http://www.sif.ba>

Izveštaj sa Okruglog stola „Planiranje razvoja socijalnog poduzetništva – primjer Kantona Sarajevo“

Okrugli sto „Planiranje razvoja socijalnog poduzetništva – primjer Kantona Sarajevo“ u okviru kampanje „Donošenje novih politika i mjera u oblasti socijalnog preduzetništva“ održan je u utorak, **25.4.2017.** u 11 h u hotelu Europe, ul. Vladislava Skarića 5, Sarajevo.

Pored 4 (3 Ž/1 M) predstavnika/ce Fondacije za socijalno uključivanje u Bosni i Hercegovini (FSU u BiH) i Inicijative za bolju i humaniju inkluziju (IBHI), Okruglom stolu je prisustvovalo 27 učesnika (13 Ž/14 M) – predstavnici socijalnih preduzeća, vladinih institucija, akademske zajednice i nevladinog sektora.

Cilj Okruglog stola je bio zagovaranje implementacije mjera iz Strategije razvoja Kantona Sarajevo do 2020., sa naglaskom na mjere i projekte socijalnog poduzetništva, te njihovih potencijalnih repliciranja na druge kantone u FBiH. Učesnicima Okruglog stola unaprijed je dostavljen dokument „Planiranje razvoja socijalnog poduzetništva – primjer Kantona Sarajevo“.

Program rada Okruglog stola se sastojao od uvodnih izlaganja i diskusije kojoj su učesnici Okruglog stola aktivno doprinijeli:

- Otvaranje Okruglog stola i pozdravna riječ – Ranka Ninković-Papić, direktorica, Fondacija za socijalno uključivanje u BiH (FSU u BiH)
- Pozdravna riječ i uvodne napomene – Majda Fetahagić, pomoćnik direktora, Zavod za planiranje razvoja Kantona Sarajevo
- „Planiranje razvoja socijalnog poduzetništva – primjer Kantona Sarajevo“ – Žarko Papić, direktor, Inicijativa za bolju i humaniju inkluziju (IBHI)
- Diskusija
- Zaključna razmatranja i usvajanje preporuka

U diskusiji je istaknuto sljedeće:

- Strategija razvoja KS do 2020. je ključni razvojni dokument kantona u kojem se radi o integralnom pristupu (ekonomski, društveni, okolišni, infrastrukturni);
- Model socijalnog poduzetništva je ugrađen u cilj koji se odnosi na zaposlenost, planirano je da se radi na taj način u svim kantonima;
- Potrebno je uspostaviti inovativne modele zapošljavanja jer nezaposlenost nije samo ekonomski, već i socijalni problem koji traži nova rješenja;
- Finansiranje socijalnog poduzetništva putem projekata stranih donatora nije održivo;
- Socijalno poduzetništvo je tranzicija „socijale“ ka radu koje omogućava svima onima koji su na margini da žive normalan život;
- Dobit socijalnih preduzeća se koristi za razvoj preduzeća ili za novo zapošljavanje;
- Bitno je uspostaviti Centar za razvoj socijalnog poduzetništva koji će biti institucionalni pokretač i koji će imati edukativnu funkciju, kao i funkciju evaluacije i monitoringa socijalnog poduzetništva; te koji bi pružao podršku neovisno od entitetskih fondova za profesionalnu rehabilitaciju i zapošljavanje OSI i udruženja OSI;
- Zakonsko rješenje ovog pitanja treba da što prije ugleda svjetlo dana;
- Ne treba prepisivati propise iz evropske prakse, već treba uzeti dobre primjere i prilagoditi ih našim uslovima;
- Bilo bi dobro da se ovo pitanje riješi na entitetskom, a ne na kantonalnim nivoima;

- Ono što bi trebalo da posluži kao kičma za ocjenu stanja jesu registri stanovništva;
- Postoje mjere za zapošljavanje, ali je sistem loše napravljen, nedostaju statistički podaci, nedostaje kadar, prisutna je nezainteresovanost za prekvalifikaciju, generalno sistem vrijednosti nije dobar;
- Zavod za zapošljavanje stoji na raspolaganju i ima sredstava za zapošljavanje;
- Sistem socijalnih subvencija potpuno zanemaruje stvarnu situaciju i u suprotnosti je sa tržišnom privredom;
- Neka od rješenja su: Zakon o osnovama socijalne zaštite, jedinstveni registar svih korisnika socijalnih transfera i uvođenje indirektnog imovinskog cenzusa;
- Strategija bi mogla uvezivati i razvijati preciznije komunikacijske mehanizme koji bi omogućili bolju radnu aktivaciju korisnika;
- Nevladin sektor je u nezavidnom položaju jer nisu definirane operativne aktivnosti koje će finansirati rad udruženja koja se finansiraju po projektima, nevladin sektor treba da se aktivnije uključi u rješavanje problema u društvu;
- Treba više promovisati ovakve inicijative, te raditi na promjeni svijesti stanovništva;
- Socijalna preduzeća posluju na tržištu po istim principima kao i tradicionalna profitabilna preduzeća;
- Tržište ne prepoznaje važnost saradnje i stvaranja povoljnijeg okruženja za razvoj preduzeća koja zapošljavaju osobe s invaliditetom;
- Postojeće zakonske odredbe se ne poštuju, mora se raditi na stvaranju olakšica za socijalna preduzeća;
- Prije usvajanja konačnog zakona mora se uzeti u obzir sve veći broj nameta, kao i mogućnost poreskih olakšica;
- Određene grupe se ne prepoznaju na tržištu rada zbog korištenja prava iz socijalne zaštite, te samo određeni broj ljudi može preći iz socijale u radnu aktivaciju;
- Sve je manje kadra i sveprisutan je problem iseljavanja ljudi i zatvaranja radnih mjesta;
- Socijalno poduzetništvo je skroz nova ideja i još uvijek nije dovoljno razvijeno;
- Nastojeće će se pratiti primjer Kantona Sarajevo kada je ova oblast u pitanju;
- Evidentan je problem raspodjele sredstava;
- Postojeći zakoni i strategije, od kojih su brojni urađeni po svim evropskim standardima, se ne poštuju;
- Strategija razvoja KS je „živi dokument“ koji predstavlja proces stalnog ažuriranja i praćenja;
- U BiH postoji dosta neiskorištenog potencijala i inicijativa, administrativne prepreke su jedan od razloga za to;
- Iskustva i mogućnosti iz Kantona Sarajevo treba da se prenesu i na druge kantone;
- Segment socijalnog poduzetništva treba inkorporirati u Strategije razvoja drugih kantona.

U diskusiji je zaključeno sljedeće:

- Ideja socijalnog poduzetništva koja je inkorporirana u Strategiju razvoja KS do 2020. je prihvaćena;
- Pokrenut će se inicijative i u drugim kantonima kako bi se ova ideja ugradila u trenutne Strategije razvoja drugih kantona;
- Uputit će se informacija Federalnom ministarstvu razvoja, poduzetništva i obrta i Federalnom ministarstvu rada i socijalne politike sa preporukama sa Okruglog stola.

Medijska popraćenost:

Na Okruglom stolu je bilo prisutno 5 predstavnika/ce (3 M/2 Ž) medija: BH Radio 1, Boram, TVSA, FENA, Radio Otvorena mreža.

Televizije:

- TVSA: <https://www.youtube.com/watch?v=RynRdJXI5OY>

Web portali:

- Klix.ba: <https://www.klix.ba/biznis/posao/papic-sistemski-urediti-oblast-socijalnog-poduzetnistva/170425058>
- Vijesti.ba: <http://vijesti.ba/clanak/357599/papic-sistemski-urediti-oblast-socijalnog-poduzetnistva>
- Bosnia.shafaqna.com: <http://bosnia.shafaqna.com/BA/BA/396014>
- Mi2.ba: <https://www.mi2.ba/papic-sistemski-urediti-oblast-socijalnog-poduzetnistva-204413/>
- Manager.ba: <http://manager.ba/clanak/papic-sistemski-urediti-oblast-socijalnog-poduzetnistva>
- Fena: <http://www.fena.ba/article/938185/papic-sistemski-urediti-oblast-socijalnog-poduzetnistva>
- Etleboro.org: <http://etleboro.org/a/0dc98460c6daf985ad70649a83155520/papi%C4%87-sistemski-urediti-oblast-socijalnog-poduzetni%C5%A1tva>